

新修江寧府志卷之三十四

人物志 儒林

郡志通乎史例人物之志史之傳也然江敞陳畱人物志陽休之幽州人物志志傳之通稱久矣江寧賢哲於海內爲盛今列之爲十類曰儒林曰敦行曰忠義曰仕績曰文苑曰隱逸曰流寓曰技藝曰列女曰僊釋史家之傳取舍嚴矣若郡志則通乎鄉曲之情有不能盡如史例者矣善善從長之義也作人物志

自晉南渡江中原士大夫從遷江表僑置其本郡琅邪一郡實在今江寧之地然琅邪之王多居會稽吳中此

新修江寧府志 卷之三十四 儒林

一

地雖有烏衣馬糞之宅乃仕於京師所居耳不可定爲此間人也惟琅邪顏氏累世皆葬於幕府山見顏魯公家廟碑文是生居死葬不出此土其名賢宜入此志矣若夫中原他郡大族過江者數百年不復故土苟其僑住丹陽以劉知幾史通之論及當時土斷之法衡之正當作丹陽人耳然當時大族恥僑南士不肯從土斷之制而今古隔絕亦不知僑居果在何所舊江寧志或載六朝名賢數人推其義例更爲無據然今亦不能決其非居此地人也舊志所有今姑依列之其所未收不復廣采焉

吳唐固字子正丹陽人修身積學稱爲儒者陸遜張溫駱統皆拜之黃武四年爲尚書僕射事附吳志闕澤傳唐許叔牙潤州句容人少精於毛詩禮記尤善諷詠嘗撰毛詩纂義十卷事詳舊新兩唐書儒學傳

元張璠字達善其先蜀之導江人蜀亡僑寓江左受業金華王柏得朱子三傳之學學者稱導江先生著有四經歸極等書事詳元史儒學傳

明陳遇字仲行高祖義甫自曹徙居建業遇天姿純粹篤學博覽學者稱爲靜誠先生事詳明史本傳

金潤字伯玉上元人年十二能賦詩及長才敏有識正

新修江寧府志 卷之三十四 儒林

二

統間以舉人授兵部司務有言赤金蒙古所產欲取之以資戎器潤曰豈可使敵人知此議遂寢瓦剌入寇英宗欲親征潤以兵事未可遽煩車駕力上疏不報土木之變陳策於尙書于謙請堅壁清野以待之謙從其言軍國大計每與諮議京師晏然擢南安知府以子貴乞休潤有文章尤邃於易嘗畫圖系解著淵學探微十二卷

沈鍾字仲律上元人爲諸生時宿學舍閉戶讀書繻袍自樂成進士居父憂居廬三年未嘗言笑服闋授吏部主事以母在疏乞就養改南吏部侍郎章綸嘗入賀京

師欲委之同列鍾曰臣子事君可委專於人乎綸揖謝其所友惟章懋羅彝等時稱十君子尋拜按察僉事考績擢副使督學湖廣時座主尹旻秉政當候見鍾問其所居李賢顧坐客曰今之不識相門者仲律一人耳改督學山東以子爲楚府儀賓遂致仕歸家無所棲息毫不介意年八十卒

金賢字士希江寧人偉幹修髯顧盼偉如舉宏治十五年進士授給事中正德初奉命勘兩淮重獄時劉瑾亂政諸司讞獄非取其意旨不敢決賢操三尺不少徇瑾恨之出爲大名知府有政聲卒中忌徒延平是時武宗

新修江寧府志

卷之三十四 儒林

三

好巡幸輒跡所至民不得寧賢乃請老不俟報而歸賢精於春秋嘗以所自得爲紀愚十篇或問百篇行世景暘字伯時上元人年數歲隨其父官廣州劉大夏見其文而異之曰此子方爲國器正德戊辰舉進士第二除翰林院編修是時劉瑾亂政陵轢朝士見者屏氣暘獨不之阿每當進講必越宿齋戒冀有感悟在館職九年遷國子司業以資當進侍讀梁儲曰成均士子師範非君不可因奏畱之六館諸生人人以爲得師改左中允管南京國子司業事南方士習競便利有請囑者一切謝絕士習稍正後以母憂去位起復方就道染疾而

卒

李登字士龍上元人弱冠入京學以文行著時督學耿定向倡明理學擇諸生之俊秀者尊異之以風多士登居其一焉隆慶初以選貢充國子監生授新野令條陳興革俱切時宜民受其利以抗直忤時改崇仁教諭講明鄒魯之學有願學編寶唐語錄去官歸家居三十餘年惟以明學爲務學者稱如真先生卒年八十六登孝友出天性事父及兩繼母養生送死不愧古人視子姪無異情有產俱中分之精考六書之學直探其奧所著字學諸書行於世

新修江寧府志

卷之三十四 儒林

四

賈必選字徒南上元人萬歷己酉舉人官戶部主事筦西新倉時巨璫總理兩部復遣其黨分伺六倉必選盡黜陋規無所染璫爲稍斂會同官倪篤之以屯豆下獄必選知其冤據事陳辨謫九江幕俄遷桂林司理旣而篤之事得白起用必選亦陞南工部虞衡司未任丁父艱歸卽杜門不出以講學著書爲務晚年失明取架上諸書令友若孫讀之必選凭几諦聽爲辨析折衷口授筆錄成帙至午夜不休曰非是不樂也卒年八十七所著松蔭堂學易行世

莊昶字孔暘江浦人持身慕伊川矩度接人慕明道和

氣學者稱定山先生事詳明史本傳

劉閔字子賢六合人家貧力養母或恚怒則衣冠跪牀下以父喪未葬三年斷酒肉不內寢朔望輒號於殯所鄰族憐之爲助其葬妻失愛於母出之終身不復娶當事薦其學行詔授本學訓導著有家禮考昭穆圖宗子說五倫啟蒙諸書

國朝張怡一名遺初名鹿徵字瑤星上元人父可大明季登萊總兵官會袁崇煥殺皮島帥毛文龍其將士乘機爲變可大死之事聞怡以諸生蔭錦衣衛千戶崇禎十七年李自成陷京師脅之使降怡不屈賊怒械繫將肆新修江寧府志 卷之三四 儒林 五

掠其黨或義而釋之明亡怡遁歸故里其妻已前死獨身寄攝山僧舍足不入城市鄉人稱曰白雲先生當是時勝國遺士多知立名義以不降志爲高其賢者躬耕窮鄉士大夫不能見其面然尙有文字流傳人間怡則躬樵汲口不言文章雖日著書密不示人四方冠蓋日往來於茲山而不知山中有是人也康熙三十四年怡年八十八以壽終其親故夙市良材爲具棺槨怡時已病革聞之泣曰昔先皇帝崩不成喪先將軍致命海島無人視含斂吾受茲忍乎顧謂從孫某趨易之乃卒乾隆三年

詔修三禮學官集諸生繕寫怡書欲以進久之未就其後

朝廷開四庫館江蘇撫臣乃采所著三禮合纂以進焉他所著書尙二十餘種詳藝文志

方苞字靈皋一字鳳九安徽桐城人遷居上元少與兄舟弟林相友愛康熙時舉進士以戴名世南山集案下獄論死已而赦之隸旗籍以白衣入直

禁廷

世宗皇帝卽位首

詔出旗未幾遂用爲中允再遷侍讀學士刑部侍郎孫嘉淦被劾下獄苞謂大學士鄂爾泰曰孫侍郎以非罪死公復

新修江寧府志 卷之三四 儒林

六

何顏坐中書於是嘉淦遂得免尋遷內閣學士

高宗皇帝初卽位議行三年之喪苞因欲復古人以次變除之制禮部尙書魏廷珍上其議會大臣有不便者事遂格不行遷禮部侍郎河督高某夙與苞善旣而違衆議開毛城鋪臺省二臣有疏言其不便者坐下獄苞見徐元夢令爲

上言不當以言罪諫官

上卽日出之禮部共議薦一貲郎入曹和碩履親王泣部已許之矣苞以故事禮部必用甲科不冝平署其抗直如此坐事罷官後

特賜侍講銜歸里乾隆十四年八月卒年八十二苞爲人孝友

敦厚其論學一以宋儒爲宗嘗謂其友蠡李堪曰程朱之心與天合傷程朱是謂戕天地之心也其說經之書大抵推行宋儒之學而名物訓詁皆所略云少與兄舟俱以時文名天下其古文自謂宗太史公義法而不喜班固柳宗元晚年自號望谿學者稱望谿先生

翁荃字蘭友一字止園江寧人入學後不事科舉入雲臺山鑽研經訓山有虎害出貲募獵戶除之督僮奴徧野檢白骨收葬乾隆初

詔修三禮徵窮經之士公卿交薦荃固辭以弟子和風翔應聘

新修江寧府志

卷之三古

儒林

七

晚更卜築南郊五經三禮皆有纂說古文詩歌成集藏於家

程廷祚初名默字啟生上元人自少穎異嗜學爲諸生累不得舉雍正十三年開博學鴻詞科安徽巡撫王紘以廷祚應

詔乾隆元年至京師有要人慕其名欲招至門下屬密友達其

意曰主我翰林可得也廷祚正色拒之卒不往遂不得用歸江寧十四年

詔舉經明行修之士廷祚應薦入京師復報罷三十二年病作年七十七廷祚於學入之頗深其大要在以博文約禮

爲進德修業之功以克己治人爲格物致知之要其於諸經各有論述而尤邃於易注釋尤多晚年自稱青谿居士其別號綿莊學者稱綿莊先生

戴祖啟字敬咸上元人乾隆壬午中舉人四會試不第會京師開四庫全書之館大學士于敏中爲總裁屬其同姓震召祖啟祖啟不往見乘舁棧歸戊戌成進士掌教關中書院己亥陝西巡撫畢沅薦其品學

召見試四書文一通以國子監學正用拜

命旋歸三歲卒祖啟少工文詞既乃潛心經學注尚書春秋多

所發明其在陝西教導有法數十年後陝人猶感思之

新修江寧府志

卷之三古

儒林

八

子衍善字元嘉有學行著有語孟微

新修江寧府志卷之三十五

人物二 敦行一

漢防廣棠邑人爲父報讐繫獄聞母死哭泣不食邑令

鍾離意聽廣歸家殯歛歛畢還就獄事聞竟以減死論

事載後漢書鍾離意傳按傳意遷棠邑令章懷注堂邑故城在今博州堂邑西北按唐博州堂邑乃東漢時東郡清發千兩縣地東漢廣陵自有堂邑然則章懷注非舊志載此是也

晉顏含字宏都臨沂人少有操行以孝聞從元帝渡江

仕至光祿勳遜位就加光祿大夫

詳晉書孝友本傳

宋陶季直秣陵人祖愍祖宋廣州刺史嘗以四畝銀置

前令諸孫各取其一季直年四歲獨不取曰若有賜當

新修江寧府志卷之三十五 敦行

先父伯不應度及諸孫故不取愍祖奇之五歲喪母哀

若成人聞者莫不酸感仕齊至建安太守梁臺建爲黃

門侍郎辭還鄉里

詳南史孝義本傳

齊陶子鏘字海育秣陵人兄尚宋末爲倖臣所怨被繫

子鏘公私緣訴流血稽顙兄乃得釋居母喪時與范雲

隣雲每聞其哭聲必動容改色母素嗜蓴恒以供奠會

梁武義師至營蓴不得慟哭而絕久之乃蘇遂長斷蓴

味

詳南史孝義本傳

朱年秣陵人母死廬墓終身有白兔紫芝之異鄉人名

其里曰孝感至今有朱年隴

見景定志

梁江紆字含潔考城人居金陵父病目紆侍疾經年夜

夢一僧告以飲慧眼水乃可差及覺啓捨牛屯里舍爲

武帝命以慧眼爲名及就創造泄故井井水清冽取以

洗眼因此遂差及父沒紆竟以毀卒

詳梁書本傳按考城江氏南渡爲盛

族齊武帝所謂求爲士大夫由江敷謝淪者也紆乃淪孫舊志獨采紆入江寧不知何據姑存之若陽夏謝氏世居會稽明應天府志載謝蘭謝貞良爲舛誤今刪

庾道愍潁川鄆陵人襁褓所生母流漂交州長負擔冒

險求得之族孫沙彌嫡母劉氏亾水漿不入口累日晝

夜號慟隣人不忍聞所坐薦淚霑爲爛墓在新林忽生

蒼松百株後在會稽復丁所生憂還都濟浙江中流遇

新修江寧府志卷之三十五 敦行

風舟將覆沙彌抱柩號哭俄而風靜沙彌子持亦性至

孝居喪過禮

三人俱詳南史本傳

徐雄秣陵人位奉朝請母終毀瘠俄而兄亾扶杖臨喪

一慟而絕

司馬嵩年十二丁內艱哀慕過禮父喻之令進粥然猶

毀瘠後丁父艱哀毀愈甚廬於墓側日進薄麥粥一升

墓在新林連接山阜舊多猛獸結廬數載豺狼絕迹常

有兩鳩棲宿廬所馴狎異常

詳南史孝義本傳

唐張常洵句容人建中四年親沒廬墓墓側生芝草十

莖從孫公挺亦以孝聞

景定志

宋包級父鑲爲人所殺級年十七與弟綉扶轡雙目瀝血祭父讐家訟之官義而直焉

張孝友句容人讀書不仕親沒廬墓六年嘗有五色鳥來集墓樹

伊小乙與劉興祖俱溧水人割股被旌

夏某逸其名事母至孝淳熙間旌其里曰昭孝

謝千九溧水人割股療父疾

陳某逸其名與鄭雲龍溧水人俱割股療母疾

趙煥字仲章溧水人以該洽聞授儒學教諭父卒廬墓終身不復任

新修江寧府志

卷之三十五

三

嚴晃溧水進士幼以孝聞元兵渡江晃負母避之道遇兵欲刃其母晃以身蔽爲兵所傷幾斃草廬吳澄嘗哀以詩

劉應庚高淳人德祐丙子元兵南下應庚以母臥病二姪甫離襁褓語妻周氏曰我衛母汝保二孤猝有兵入周氏自殺隨傷其母背應庚急以身翼之已被數創泣請曰幸畱我四人財物可盡取也衆哀而舍之尋奉母抗姪避窟中復遇兵曳出之應庚請如前兵義之與以牛酒金創藥而去迨母亡居喪哀毀孫璫邑諸生廬墓六年感環百鳥今名孝子岡

元傅霖江寧人母死居喪晝夜哀慟葬後廬墓被旌

王子清家金陵事母盡孝人無間言

樊淵字德翁句容人至元中奉母避兵茅山猝至欲殺

其母淵抱哭求代死兵兩釋之母亡終身不離墳墓

顧童子建康人割股愈母而已死

明周琬江寧人父爲滁州知州洪武時坐事論死琬年

十六叩闕請代上疑爲人所教命斬之琬顏色自若乃

宥其父成邊琬復請曰成與斬均死耳父死子安用生

爲上怒命縛至市琬色喜上察其誠赦之親署屏曰周

琬孝子尋授兵科給事中

明史

新修江寧府志

卷之三十五

敦行

四

姚金玉其先浙人洪武初取實京師隸上元性至孝母病割股以進獲愈有司聞於朝詔旌爲孝行之門復其家

徐佛保南京人事母丁氏以孝聞丁患痢佛保剖腹割

肝以進母疾瘳詔旌其孝

張福緣上元人母疾衣不解帶者累月病轉劇割股作

羹進之果愈洪武二十七年旌表

上元徐鎮童李某女龍江衛丁歪頭洪武時俱以孝旌

張頤高淳人父讓洪武二十九年坐法頤擊登聞鼓願

代天子嘉其孝減戍南京石城門千戶所

陳啓方六合人指揮同知晟之子以請襲謫戍大寧值兵亂與妻盧氏謀奉母棄子出奔母獲免永樂初授忠義左指揮同知學士李時勉誌其墓

馮天孫上元人家貧有孝行母疾割股作羹以進永樂間被旌明史

劉銓江浦人御史觀之子永樂年觀坐事當辟銓擊登聞鼓願以身代蒙特宥復觀職

楊佐上元人甫成童母病劇剖腹取肝和粥以進母獲愈後三日佐卒祭酒程松溪聞而異之殯之日令太學生數百人送其喪

新修江寧府志 卷之三十五 敦行

五

黃童子名潤江寧人永樂中徙江南富民實北京潤年纔十二詣官請代父行官不許潤曰父去日益老兒去日益長官悅而從之

浦阿住沈得安嚴分保俱江寧人馮添孫邵佛定俱上元人永樂時以孝旌

千戶劉潮子文縉割股愈潮縉疾子天命亦割股療之天命妻宋氏疾女桂姐又割股痊母

王海江浦人親父廬墓蔬食三年又有湯學家貧事親盡孝

徐昱字彥昭江寧人父病革醫告技殫昱日夕籲天求

以身代割臂肉和糜以進父疾瘳鄉人將以聞部使者昱曰此一時遑迫之計無復之耳奈何從邑長令干名乎後舉宣德七年鄉試爲國子助教居官有矩範大學士劉定之祭酒吳節器重之

顧夢采上元人與同邑庠生沈昇庠生陸元龍吳淦王項以割股療親被旌

張繼宗江寧人宣德間以孝旌

李景星字應德上元諸生幼有至性居父母喪三日不一飲食葬祭悉用朱氏禮里人推其孝行

龍景華字宇春上元人少孤奉母孝嘗侍疾割股以進

新修江寧府志 卷之三十五 敦行

六

者再嘗糞覺其味苦喜謂妻徐氏曰母必安矣徐亦能順姑志勤織紉以孝養鄰火熱所居景華籲天曰吾母老幸畱此室以安養之須臾風返火滅天順己卯有司以聞詔旌其門曰孝行永復其家母歿廬於墓側朝夕號慟有盜十餘人過於墓所聞哭聲曰此孝子相戒無犯案明史及省志以爲姓龍舊志及縣志以爲姓龐當從明史

蕭春字秉常家金陵父病痢春祈求備至及疾革臭穢狼藉春泣曰吾父不復生矣兩手據牀一吸殆盡悲苦氣絕良久乃甦父歿廬墓

陳謨弟名世上元人父病篤各籲天願以身代相繼割

股而進父尋愈先是其母朱氏會割股愈其父姊適劉又割股愈其母孝行相承亦罕觀云

丁禧其先江都人祖瑄天順初爲錦衣帥沒而賜葬江寧石子岡遂家焉禧襲府軍後衛指揮使性至孝年五十猶無子歲時伏臘必走賜塋下具牲餼申誠悃風雨寒暑未嘗愆期一日冒雪而往拜謁竟時屆隆冬瞻視壠上槭樹結一碩果大如拳異而攜歸與室人啖之遂有娠生子宏潮得世襲迄今子姓蕃衍

翟鳳鳴溧水諸生父姚州吏目卒於任所鳳鳴徒步悲號迎柩還

新修江寧府志

卷之三十五

敦行

七

金玉畱守右衛籍弱冠爲父報讐郎中尹灝稱其孝

毛程字公度六合諸生父卒廬墓三年有鵲來棲塋朝夕悲鳴與程哀慟之聲相聞服闋鵲亦飛去人咸異之

陳敦化秣陵人母老臥病土寇爲亂化獨守母不去寇劈門入執化索賄繫於樹連射之備受楚毒惟以身蔽母未幾所傷竟痊咸謂孝誠所致

花犇孝子高淳人不知姓名日負薪以市嘗雪中至學宮教諭于鳳見其衣敝肘露曰何不以薪價易衣對曰小人有母不暇自謀也鳳曰汝有妻乎曰有何以衣妻曰新者奉母而易其舊者聊蔽體耳鳳喜其孝贈以千

錢不受固與之乃曰當爲公供薪鳳堅辭之至夜則載薪投學舍園中鳳踪跡之竟不得或曰居花犇故名

胡琛六合諸生親廬墓天順時以孝旌表

顧陽江寧人正統時以孝旌表

明史

盧雍字廷佐江寧人天順間進士由武庫司主事累官湖廣左布政使皆有政績居父喪廬於墓側有產芝之異隆慶間詔旌其門

謝芳字景昌上元人景泰丁丑進士授南京兵部主事歷郎中出知永州府有孝行

戎憲字廷相句容人幼喪母事父至孝景泰乙亥夏六月暑雨不止父病篤憲倉皇失措割左股和藥進疾竟愈

新修江寧府志

卷之三十五

敦行

八

徐欽字承之句容人成化丙午舉人母廬墓

丁潑溧水人成化時諸生母廬墓側邑令王弼聞狀三過慰之將聞其事潑堅辭之而止

張諫字孟弼句容人孝事二親由進士筮仕行人司丁母憂廬墓三年羣鳥集於壟樹服闋進監察御史奉敕歸省父病躬湯藥比沒復廬墓三年朝夕悲慟芝產墓旁成化時召爲順天府尹以忤時貴出守萊州政聲大著召爲太僕少卿

陳標江浦人年五歲生母李氏爲父所遣改適於浙長欲尋求以父老不果父亡詣浙迎母沒已十餘年遍訪遺塚啓棺滴血負以歸葬

梅洪溧水人少孤事母孝進以甘旨自奉甚約其婦有後言遣之母瞽洪負以行一旦復明人以爲異母卒廬墓三年縣令聞而賢之爲娶妻生子矣婦厭其貧去之數歲子卒洪亦卒邑人收葬城北十里許有監司題曰孝子梅洪墓

吳瑄字元玉上元人性至孝親病躬侍湯藥及卒哀毀逾禮墓側產芝登成化己丑進士仕至工部郎中

新修江寧府志 卷之三十五 敦行

九

王昌江寧人事親盡孝色養靡間母患頭風仆地傷且死昌籲天求以身代叩頭流血血涔涔濕衣裾間母疾尋愈子項善繼父志母得奇疾割股以進人以世德稱之

孫文達高淳人性孝友家與李某鄰李心計其產父周六力拒之李中以陰禍官捕逮之文達曰父老矣兄任家政諸弟俱幼吾其行乎子然就械比對簿竟斃杖下錢浩翁句容人幼孤事母色養有妹失於亂軍母痛念不置浩翁遍訪得諸萊州攜妹省母時母年八十有三喜甚鄰里皆賀又十年母沒浩翁年七十終喪不御酒

肉不脫巾經

蔣繼蕃字異之上元人舉正德己卯賢書性至孝再上春官抵淮忽心動急歸則母已病篤一見而逝人以爲孝感云

曹鎮六合人里中火起延及其門鎮躬護父柩俄而風返火滅

王萬祺字日華江寧人割股愈親疾

趙承行高淳人年十二父君朝被誣繫獄當辟承行大慟族某憐其孝攜之叩恤刑路過徽遇雨溪水暴漲漂流數十里不死詞上寃雪時人異之

新修江寧府志 卷之三十五 敦行

十

唐保八句容人幼喪母力耕以養繼母朱氏得父歡父歿事繼母益盡孝值歲歉負米供母與其妻子啖草實子纔二歲朱減食哺之保入慮不能兼濟棄子池中妻救之得存後因力耕獲窖錢二斗舉家賴以全活人比之郭巨云

谷蒞高淳人善事父母患瘋痺恐貽親憂詭言已愈嘗夜曉而問寢足蹶傷指血流滿地父母知其未愈也相持痛哭疾亦漸痊居母憂盡哀兩事繼母如所生父沒尤悲慟里人不忍聞

趙時振字少東江寧人舉戊子鄉試授嘉祥教諭母亡

哀毀逾禮扶柩葬於康家山廬墓三年竟以疾死後人立碣山中曰趙少東先生廬墓處

鄭濂字師周江寧人嘉靖癸未進士爲行人兩使藩封餽遺一無所受授山東道御史按兩浙湖廣有能名以父憂歸乞致仕養母盡孝設榻於側旦夕候問起居惟謹長跼進甘旨母亾濂已老哀毀終喪里人著純孝傳以稱之

史元八高淳人事母徐氏謹色養靡懈母病割股和藥進比卒廬墓嘉靖間被旌

案舊志作員八省志作負八

虞周溧水諸生割股愈母

新修江寧府志 卷之三十五 敦行

十一

姚珉字廷器江寧人父遊越中得疾劇珉適往侍湯藥未浹旬疾愈人謂孝誠所感

楊師祿字承佑高淳人遇亂兵父被執師祿號泣請代兵異之欲畱置軍中不從被害妻卞氏年二十守遺腹子以終

周什一溧水人少孤家貧事母孝負販以養母病思食魚脂會大風漁人罷釣什一遍覓諸湖濱得一鮎倍價市歸剖之得黃金百兩家用以饒孝養不置

姚澍字元白上元人弱冠入太學性至孝母病脾醫不能療乃割股作羹以進病漸愈嘗拾遺金一囊候其主

不至盡以周貧乏謁選得鴻臚尋告歸侍養勿怠

張可度字屬筱江寧人侍母於兄可大官舍可大旣殉難賊騎充斥有勸可度逃者面叱之間關護其母及兄喪以歸

黃英字奇中溧水人事親色養割股者再廬墓六年被旌

余彥字仲茅江寧人萬歷間進士甫登第乞終養奉母十有六年後官光祿少卿

魏孝榜高淳人親沒廬墓榜沒子希臯亦然萬歷時救旌父子雙孝

新修江寧府志 卷之三十五 敦行

十二

湯之尹高淳人萬歷間入太學會應鄉試忽夢父病篤驚寤而歸省夜過蒲塘墮水居人間空中語曰河溺孝子速往救尚可活十二年衆奔救得不死昇歸父果病痢劇累割股進勿愈之尹語弟願減已算延父壽十載夜則向天哭禱達旦父竟痊比二年而之尹卒邑令上其事表之曰純孝格天

許應時六合人家貧事父堅以孝聞父壽踰九十應時亦六十餘白髮承歡鄉里稱羨

章憲文溧水人父爲南昌通判憲文稱年喪母事繼母至孝父病額天默禱竟痊

趙拱辰江寧諸生純孝性成居家教授承歡備至有重幣聘之遠遊者曰吾方以身事親豈以千金易一日耶子自明孫司至皆以孝稱鄉人表其里曰仁孝里

陳希任高淳人家貧事親至孝值歲歉鬻子以供甘脆父病衣不解帶號天割股以進父尋愈居喪哀毀骨立萬歷間旌其孝

章有道字天培江寧人京衛指揮事繼母韋氏盡孝躬侍母病延太醫鬻產易藥母亡哭泣踰禮士林咸稱之吳世榮高淳人父沒廬墓三年母亡亦如之萬歷間以孝旌

新修江寧府志 卷之三十五 敦行

三

蕭泮溧水人父賓外賈久不歸號泣辭母踪跡數年不得染病而反事母益孝

李長標句容人文定公會孫性至孝母危疾藥物罕效割左臂肉以進竟不起踴踊呼號勺水不入口尋以毀歿

張一鵬字舉之句容貢士飭躬修行以剛方廉潔自矢天性純孝父病焚香祝天割左臂肉爲羹以進父食之甘果愈邑中咸以孝稱

劉廷說字衷全上元人母蔡氏年踰六十得劇病醫治罔效乃籲天割股進之遂痊天啓間被旌

葛至學宋文定公邨裔孫高淳人性至孝爲父割股者再母瞽舐之復明居喪廬墓夢中猶爲孺子泣哀毀動里閭事聞天啓間被旌

馬遇伯字際明上元人篤孝二親色養惟謹天啓中仕豹韜衛指揮掌衛繆大樸索其家珍玩遇伯以親所受不肯與遂誣劾罷官偕妻田氏躬耕養親隱遯終身施龍高淳人割股愈親伏棺滅火廬墓盡哀有司上其事被旌

阮鳴韶上元人年十三補博士弟子父厘以劾嚴嵩罷官韶承父志不應鄉舉父母壽俱九十餘亡韶居喪已

新修江寧府志 卷之三十五 敦行

四

逾七十踴踊號泣聞於閭巷廬墓三年如禮江東有老萊子之稱至八十七而終門人私謚曰端穆先生

余待舉江浦諸生甫二歲而父母歿依祖父母以成立比長以純孝聞祖父母疾籲天願以身代居喪盡哀崇正間節使上其事被旌時有諸生趙國璧者早喪父事母孝亦被旌

殷之禮字仍夏京衛指揮樸實不文父國光賁表北上卒於徐之旅舍禮年十二奔喪千里迎柩歸葬孀母李氏衰老備極甘旨奉養娶馬氏以母病不入內寢日奉湯藥夜煮梨棗撫摩母側妻亦善事姑里人以雙孝稱

之

任超溧水人父病危超額天割股調劑未進而父愈人謂天哀孝子云

張正毓字伯和高淳諸生事親循禮經父沒水漿不入口者七日哀毀踰禮鼻眼皆出血及小祥扶杖骨立嘔血而卒

魏耀高淳諸生早喪父母葬於寧陽距家六百里屢痛墓離鄉井不忍舍去廬於墓者數十年

李夢周六合人年七歲父疾割左股以進而愈又有陳應登者割左臂療父割右臂療母

新修江寧府志

卷之三十五

敦行

五

周庖高淳人少孤事母孝疾則割股以愈歿則廬墓盡哀又有鄉貢邢振羽親廬墓六載孔應紀五歲喪父哀慟幾絕九歲母疾割股療之

趙鳴臯字聞野溧水人幼喪父母事繼母至孝即累斥而色養靡間母亦為之感化

楊振新溧水諸生與袁文化俱以父死廬墓

王潢字元倬江寧人孝友能文章舉崇正丙子鄉試親老不仕賦南陔詩以見志一時名人屬而和之人稱南陔先生

汪起龍六合庠生崇正丁丑賊破六合起龍負父尋母

遇賊請以身代父命賊憐而釋之

宰應文江寧人幼喪父母哀慕不置刻木肖二親像冬夏更衣衣之晨夕進食出入必虔告有司旌表之

孔瑜字元胄高淳人崇正間諸生居父喪守古禮以母在不敢廬墓遭母喪廬墓三年哀動行路

劉一俊高淳人母卞氏終晝夜悲號廬墓三載有白兔繞其側

汪國淙六合諸生割股愈親居憂後廬墓終身人謂之死孝時畱守右衛方顯割股救親諸生王岳毛至潔許忠三人俱割股療親疾

新修江寧府志

卷之三十五

敦行

六

田木六合人父慎臥病思食鮓魚值皇殿收網不可得乃奔至管廠內宦所跪求哀訴其顛末竟獲魚歸父沒盡禮邑人稱其孝又有彭章陳鉉沈鎰黃閻四人俱以孝聞

曹洵字文澤句容人尚書義之孫早喪父哭甚哀祖母夫人四子俱逝謂洵曰待汝長成當為我服喪三年洵曰母為是言願百歲壽甫成人以大臣裔例入太學明經待用因祖母年老告歸侍養和愉承歡克盡孝道鄉里推重之時諸生居文明李昌允二人亦以孝行著吳方明句容人刺血書法華經千卷為母祈壽第方魁

割股愈母疾又有徐延雄馬獻圖二人以割股療父被旌

許良春江浦人割股愈父疾貢生周思臯割股愈母疾黃根溧水人割股療父虞欽割股療母貢生傅哀母亡廬墓周家慶養母亦以孝稱

章憲文溧水人父爲南昌通判母早卒事繼母孝又有徐學忠以孝被旌

蔣尚彬字質甫江寧人事繼祖母繼母皆能曲盡孝養鄉黨以爲難

劉應聘高淳人親亡刻木以祀貢生陳宗堯爲新城令

新修江寧府志 卷之三十五 敦行

七

居憂廬墓又有魏滄終身思慕云

王之卿應天人崇正時旌孝

劉夢嵩高淳人父大聘官鹽大使中年解綬隱遯夢嵩遍訪之不得偶過華山有行脚僧語之曰汝父在峩嵎之巔嵩嵩喜赴蜀迎父歸

董宣字繼善江寧人以貢士授青田訓導迎母於官舍晨起課諸生畢卽候於寢門母疾親奉湯藥先嘗之乃進居喪哀毀骨立郡守以下各助資歸葬

季允光六合廩生隨父避兵江南孝養備至父卒扶柩歸里躬營墓域哀經廬墓積痛不起將革命繪父母小

像以殉

水軍黃阿回割肝愈母被旌上元諸生陳鏞江寧倪壽汪元孫江浦楊鳳四人俱以割股旌又李士傑以終身茹素爲母祈壽稱孝云

韓范字孟小鷹揚衛籍早慧伯銀臺國藩器之父國楨任俠好施有負官錢鬻其女者解囊金償之及范以崇正丙子舉於鄉戚屬相慶范獨泣然慟父之不及見也居母喪哀痛踰禮服闋謁選得吳興教諭聞國變哭告先師廟挈妻孥歸憂憤不食病篤沐浴衣冠北面再拜而逝

新修江寧府志 卷之三十五 敦行

八

魏光庭字燦甫高淳諸生父卒於台州官舍奔喪扶柩歸廬墓六載明鼎革出走閩粵蹈海以死

吳翥南高淳人家勳子時遭鼎革兵驟入門欲刃家勳翥南從樓上望見急下求代被害家勳獲免以土瘞翥南越月始改葬面如生血猶赤妻孫氏誓死守節割股救姑者四遠近悲之

國朝乾隆五年 旌表

國朝路汝捷字多盤江寧人幼孤侍母孝承歡色養母疾輒齧臂肉以進血流滿地怡如也順治間舉於鄉令浙之新城

徐孝子失其名上元人郡庠生也七歲父爲讐家所殺哀號動天欲報之甫弱冠潛鑄匕首長尺許懷之十四年子纔七歲持之泣曰汝祖爲人害余蓄恨二十年今觀汝可望成立吾將甘心焉卽挾匕首往斬讐頭祭父塚詣獄請死士民數百人環庭乞免吏不聽瘦死獄中徐陞字征吉上元人幼孤事母劉氏孝嘗侍疾左右就養寢食爲癯病篤割股和藥進之病乃已

張樸字端木句容人七歲喪母置書柩前隨讀隨哭父見而憐之誓不再娶樸善承顏色孝養五十年父沒居喪踰禮

新修江寧府志

卷之三十五

敦行

九

湯學紳溧水人三歲母亡撫於繼母劉氏劉患癰紳吮之繼以嘗糞孝養不異所生劉逝奉後母鄭亦如之父亡廬墓順治十一年以孝旌表

王三接高淳人年十九遊庠母陶氏病故奔喪哀毀廬墓三年

胡彭字四菲高淳人性至孝遇珍果必懷以奉母父病篤長跪祝天衣裙入藥爐火熾於背乃知之子忽殤戒家人勿哭恐傷父心也居憂廬墓

吳太江浦人家貧爲傭以孝養

邢夢沂字魯生高淳諸生事親定省靡間怒必跪而受

杖家貧典衣奉甘旨愉色勸餐及居憂哀毀盡禮

劉鴻恩字漢遠六合人父久臥病鴻恩年甚穉侍疾數載寐不交睫夜則焚香祈禱願以身代鄉里感歎

郭耀祖字善友上元人痛父病不起額天請損已壽以益父算若有告之者曰感汝誠孝已讓九齡矣父尋愈耀祖竟先父沒

羅秉供江寧人母喪廬墓李之曉割肉療親皆以孝行著

王君寵句容人父卒於衡陽旅邸母耿氏聞訃悼痛欲絕君寵長跪泣而請曰兒年十八當捐生往迎父柩第

新修江寧府志

卷之三十五

敦行

二十

君修纔三歲耳母獨不念之耶耿爲之節哀君寵遂徒跣赴楚自春徂夏扶輿而回設奠葬於祖塋奉母至孝兄弟不異爨者終身

黃士謙字子讓句容人年九歲父客死白下謙偕諸兄迎柩回勿不識路踉蹌走家人不知所在聞哭聲尋及之見謙科頭跣足仰天而泣曳之歸哭愈痛行路爲之心酸年十九母遘疾自知不起遍召戚屬執謙手曰吾撫諸孤唯若未娶及吾目中見兒婦可以報若父於地下矣咸敬諾婚之夕母勢益危謙哭泣牀下不就寢明旦母沒謙哀毀失聲僵臥柩旁足跡不履閭內每祭奠

婦出拜謙泣婦亦泣未嘗通問者三年戚里稱之

張鏞溧水人母王氏病膈割股和藥進之而愈未幾母疾復作鏞廼剜胸取肝投盂中昏仆於地愴恍有老僧握其手而言曰汝母當無恙汝事已畢盍行乎越日鏞竟死時年二十有一

胡寧字文以六合貢生父光啓負郭課徒家故居城內鷄鳴門啓寧必趨省風雨靡間父亡哀毀骨立迨居母喪年老矣哭泣如喪父時

路汝捷上元人順治乙酉舉人令新城縣母疾割股愈之

新修江寧府志 卷之三十五 敦行

三

朱熊六合人年十二母病割股以進沒後繪像奉之如生同時有割股者九人沈希孟劉國祥余士賓王田陳鼎汪理茅如瑄袁志仁顧士倫有割肝療親者一人鄭文元邑人俱稱其孝

趙經遠高淳人事親孝晨起必詣寢門問安否退具衣冠俟親起前趨長揖值令節及遠遊則拜之嘗至蕪湖聞父居旅邸欣然走省肅拜明日又如之至今蕪人猶稱趙孝子云

邢復升字虞聞高淳貢士任繁昌教諭知卅州少喪母事父及繼母盡孝道每朔望率家人羅拜於庭士林稱

之

俞文源字士匯江浦諸生親沒居外庭六載哀痛羸瘠竟以毀卒

鄧林植上元人年十七與弟懋並以負販爲生有孝行母病沒旦夕哭執紼之日血淚並漬見者酸楚植竟毀殞於道及歸懋亦卒

徐鵬字鳴九江寧人康熙癸未進士嘗以親疾通醫理或勸之仕親不樂因絕意仕進色養終身

夏灝齡高淳人父久病灝齡思取心療方剖胃舉家聞灝齡臥所人語沸騰急奔視之灝齡已暈倒於地屋上

新修江寧府志 卷之三十五 敦行

三

塵落厚寸許走告其父父驚躍起病忽愈灝齡亦無恙又有夏圻者亦能孝

馮驥字子超上元人居燕子磯畔篤志好學弱冠補弟子員海氛突起祖業略盡色養父母勤劇無所不至及居喪號慟絕而復蘇後以明經貢入成均

劉玉佩江寧人割股療父以孝 旌表

馬國祚字尚卿六合人性至孝母瞽侍養左右三十年康熙癸未西城陷國祚壓焉人謂其死矣及掘之丈餘見國祚猶生衣冠面目無損曳出之徒步抵家觀者驚異以爲孝行之報

孫從龍字際雲六合人康熙庚子武舉仕長淮衛千總乞終養於家乾隆辛未歲正月宅有火災逼母汪氏臥所門幃已焚汪急不得出從龍冒火奮身奔入翼母負之急趨比出戶衣冠鬚髮皆焚火毒中身幾死越數日母子得無恙

賈重任字宏仁上元人垂髫失怙比長以祖開國勳應得世職有司檄徵至再會母蘇氏病堅辭不赴偕弟大任侍牀側不寢處者十數年

孫捷字揚章高淳人性純孝童時知定省之節父講學里中日昃必躬迎以歸母紡織依燈下讀書與紡織聲

新修江寧府志

卷之三十五

敦行

三

相間也居親喪殆不勝哀三年不進鹽酪晝夜號不絕聲年踰五十舉於鄉

曹宜超字豈凡句容人父病篤輒割股和藥進病即愈隱而不言母知之讓超超慚悔自此不敢復損髮膚矣比父母亡喪葬如禮

張滋字挹清六合諸生雍正四年邑內大疫母厲氏病危割股愈之鄉黨稱嘆又有任鏡侍母疾浣衣滌器十餘年以孝著

劉開楠字王文高淳人幼喪父事母務得歡心母尋又亡居憂哀慟苦寢墓下三年始歸月朝十五詣墓哭拜

者其不酸感開楠思親不置追刻遺像事之如生

高官廕上元人性篤孝四歲父病痢不食蔭亦不食母病危藥不下咽蔭以口度藥夜則額天請代割股進之母愈蔭遂以創發卒時年十六其後十八年母年七十乃卒雍正十年旌表

易芳字天培上元人家貧以繪事爲業事母孝有所欲必竭力致之以博歡母性嚴急有不當意輒怒加以鞭撻長跪受之愉色慰解乃已家無宿儲必具旨以奉母已則有米食粥無米食菜而已年六十餘竟以貧死時母年逾九十氣將絕猶顧母而流涕者三

新修江寧府志

卷之三十五

敦行

三

趙開來字明初句容人三歲喪父母家貧力弱無以營葬遲之二十年始獲親於枯塲山廬墓三年晝夜號哭常食麥屑不噉鹽酢夜猛獸來望之有聲狀若歎息者李之實字仲節六合人侍郎敬之子順治己亥夏值寇亂負祖母曹氏扶母張氏逃山中夜行四十里以任重嘔血死又有汪生民字寅公割股療父遭亂兵至負母倪氏逃匿深山嘔血死

謹璋字玉章家金陵性醇厚事親以孝聞母病與妻閨氏侍榻前不解帶者數月居喪如禮服闋游成均以學行自勵

朱之卿字蓋甫上元人仕池浦營守備隨提督杜宏域勦流寇得功乞歸終養子浦澄性亦孝

張岍然字節侯上元人父延祚仕寶慶通判乞歸不仕岍然未成童而父沒母施氏年二十七矢志撫孤家貧紡績難以自給岍然棄儒貿易委腕承志晨昏視膳者六十餘年母沒哀毀骨立鄉里稱之

李西岡上元人少喪母父娶繼母未旬日而父沒繼母號慟欲以身殉西岡泣而請曰脫有不諱誰撫孤耶母亦無詞以告吾父也繼母爲之節哀西岡曲盡孝道三十年如一日

新修江寧府志 卷之三十五 敦行

三十五

朱文謙新安文公裔徙居江寧已三世矣文謙少孤偕兄文泰事母范以孝聞

方力新字曰盤上元人母亾號慟幾絕竭力以營葬廬於基側臥苫枕塊朝夕哭拜竟成羸疾自知不起尋以罔極未報哀泣墓前疾亦漸瘳聞者異之

劉公良上元人父客於鎮江遭劫死公良家居心悸奔訊知父死於河控於有司抵諸兇於法負屍歸葬

厲兆裔字爾嗣六合人嗣伯父奇生嗣母汪氏御之嚴汪疾篤兆裔夜禱北辰割股進藥病遂痊自是慈孝有加

鄧士貴字鴻儒上元人家道中落遠貿粵西獲息以歸與弟士祿孝養父母子統善承父志邑中陳颺劉芳蔭蔡殿先俱以孝聞

張超特字滌田上元貢生性至孝任鑾儀衛經歷乞歸終養母亾哀毀骨立廬墓三年

張光容字君華句容人親有疾割股居喪廬墓

錢士揚江寧人七歲母病臥樓下火起士揚聞之自塾奔歸抱母號哭火遂息母沒廬墓三年有白鳥結巢之異

程煒字聞章上元人性誠樸早喪偶不再娶侍父寢三十年親滌溺器裹衣垢必親浣父年九十歿煒老矣猶孺子泣云

新修江寧府志 卷之三十五 敦行

三十五

謝之庶溧水人乾隆二年邑舉孝子請旌

吳學萊字班甫高淳諸生母亾廬墓三年邑令崔掄奇上其事乾隆四年旌表

吳運鎮學萊子性至孝童時知色養年十七父亾哀毀如禮事母邢氏益謹嘗侍疾嘗湯藥廢寢食母愈而後安比居憂廬於墓側泣血三年時有白鳥翔集輒作哀鳴相向人以爲孝感云乾隆五年旌表今父子同一坊